

# QVÆSTIO MEDICA

## QVODLIBETARIIS DISPVATIONIBVS MANE DISCVTIENDA.

IN SCHOLIS MEDICORVM, DIE IOVIS V. IANVARIJ.

M. PAVLO COVTOIS Doctore Medico Præsede.

*An febris hac tempestate grassata, contagiosa?*

1125

**M**ORBOS acrius furentes, non prius plebs timer, quam eis famosam contagionis personam affingit; sanitatis quidem nulla, morborum certe varia, quâ grauissimorum perinde ac leuiorum molestiâ communicantur: nec ea putredinis excellentiâ, humorumque putredini; sed vni feminatij morbos affatim prorumpentis commeatui tribuenda. Valeat sicca humidæ intemperiei nomen; Vnaque partium circumfuso aëri propiorum spectetur labes, quæ non tantum imbelli subitum humorum fulgini det viam; sed ipsos totius mali vitio incoctos spiritus tenere nequeat; hi quippe nihil à sanis integrisque partibus emendati, aut in appositorum sibi corporum cutem sese insinuant; aut ea, quibus primum adhærescere datur, contaminant; aut etiam per infectum aërem latius manant.

**P**ERMAGNI interest quo res illæ comparatæ sint modo, in quas morborum diribitus spiritus incidunt: quidquid crassius, densiusque est, illorum eludit impetus. Metallis non bellè insident, aurumque, vel ægri manu donatum, nunquam in mali partem Medicum aduocant. Triste virus promptè atque imbibunt stragula & lintea, in corpora quæ his induuntur, illud miserè aliquando infixura. Quomodo per corporis labefactati spiracula tetra in aërem mephitis exhaletur, impedire nihil potest; malum verò is frænare, nè longius serpat; & vt furenter efferatur, instigare potest. Hoc perniciosè deprauatus; illud perurgatus, aut aliquâ qualitate fauienti morbo aduersâ ornatus efficit. Vt breuiore, sic certiore curriculo junctorum temerèque cum ægris versantium corpora tactu ipso læduntur. Tribus istis pestis, morborumque suâ immanitate timendorum causis obsistit, cui incorrupta est sanitas; cedit qui & præcipuam ægrotandi causam suo sinu gerit, & hanc corroboratura subsidia contagione haurit; adeo cum primo causæ exordio consentit iste morborum contagiosus epilogus. Scabiei leuiorumque morborum semina minore apparatu excipiuntur; interdum & casta nihilque nocitura euanescent: rariùs tamen profectus ab ægro vapor impurus sanos impune afficit, siue is è corporibus sese aliquâ parte contingentibus, siue è fomite aliquo, siue aëris aspiratione ducatur.

**F**EBRES hac tempestate grassatas non inuexit truculentior rutili Martis spiritus, qui an vnquam id potest? Non hyems, quod sui frigoris aculeos recondiderit: non aër infestâ, vt sæpe fit, ventorum è mari spirantium aurâ inquinatus, sed collecto ex assiduus imbris humore multo, crasso, concretoque obstitit, qui dum transmittenda per poros excrementa tenuiora diu exitu prohibuit, in feri copiam exaggerari coegit: vt ijs vltimâ siccitatis & subtilitatis lineâ carentibus elabi in fuligines non licuerit. Inde primum nata, & aucta clades; inde & morbi, pro multiplice humorum vnâ affectorum conditione, varij ebullière, innumeraque pro vnius cuiusque corporis habitu putredinum differentiæ, nouis affinitatis, & diuortij notis distinctæ. Exitère & hinc nouæ febrium tristiùs curandarum facies, quarum sæpius feri & corrupti, raro faciles ac domestici mores apparuere. Eam ob causam fractâ plerumque febris assidue proteruitate, cum nouæ indolis nouique ingenij tertiana conferere manus oportuit; moxque cum geminata tertiana: & ex his temporis longinquitate recreatus demum æger, in medios continuæ ignes, liquorisque purpurei terrores incidit, sanitatis vixdum primis regultatæ labris vsuram persoluiturus; quasi nihil attinuerit quod ad vnquamque febrem peculiari licet putredinis ambitu circumscrip- tam, remedium adhiberetur. Adfuit tandem, & in miserum toties sæctatum incurrat Quartana, quæ & suæ securitatis obliuisci, feruidæ illuici, visceribusque clam æstuantibus, jamque ad tabem euntibus, paulatim accensas humoris atri faces admoueret, accitòque ad extremum hydrope, presentissimum constaret periculum. Hæc adeo extra tragicam contagionis scenam omnia; vt non tam nouas morborum plures affligentium causas venari, quam, quidni omnes conficerent, mirari ius fasque fuerit.

**C**VM in corporibus pulchrè temperatis, summâ partium omnium consensione res administrantur, per angustissima illa cutis foramina, à corpore in finitimum aërem patentia, quæ calidissimo artificio natura fabricata est, penè sponte suâ euolat, quidquid suberat fuliginosi excrementi, grauius, si subsistat, incommodatur: At vbi febris ardor in venis medullisque viscerum insidet, tanta è fumanti sanguine, intimisque latebrarum recessibus effertur vaporum copia; vt pars ore, & maioribus quibusque vijs foras detur; pars per eas quæ sensum fugiunt, tentato pertinacius exitu, tandem effluat. Quidquid autem hi contraxere vitij, aut ijs quas peruadunt partibus affiant; aut ab iisdem valentibus domiti, exuunt. Quod si labis minùs aspersum est, nullâ tenacitate adhærent, vt delicatiores quidem odore nescio quo febris offendere; at egregiè sanis detrimenti nihil asferre valeant. Quemamodum porrò fufus calique calore extenuatus aër, si quas alicunde sordes accepit, eas faciliè comportat, quocumque penetrat: sic humidior, pissius, ac plerumque in nubem, imbremque coactus, qualis fere nuper fuit; cum suâ temperie actiores vapores emollit ac mitigat; tum corporibus offusus, ac veluti durior factus, ne quâ illi subeant, aditum intercludit. Hoc propugnaculo plerique omnes tuti modò fuere à sædis ægrotum expirationibus quomodo- cumque incurfantibus. Fuit & vallum omni munimento securius, firma ipsa sanitas; vt qui imploratæ medici ope, illuiciem, exiles aliqui ductus per quos fumida corporis excrementa depo- nuntur, obsessuram maturè subdixerunt; exhalatorum ab ægrotis corpusculorum, morbotumque ab his laborituroorum vim omnem faciliè obtinuerint,

**N**ON eâ, quâ plebs, leuitate morbos æstimat Medicus, nec temerè appellat diriori nomine, nec infantiùs nihil timendos timer: scilicet ratione rerumque vsu doctus, non in vnius causæ, quæ morbos pariat, vim & magnitudinem intendendam esse mentis aciem: sed perinde vt temperatum est, ac sese habet corpus; ita maximè morbos oriri, eorumque mores, ingenia, casus, euentusque fingi, ab altiore velut specula prospicit quæ singulorum futura sit feritas, quæ ignauia, quæ breuitas, quæ diuturnitas: vehementiores, eosque qui fugæ vel clementiæ simulatione ex occulto recrudescerent, intercludit opprimitque in ijs ipsis, quas struunt, insidijs. Interpolatarum contumaciam perumpit remedijs die vel tempore molliori præscriptis. Duplicatam tertianâ, à qua propè nihil induciarum est, excidit medicamentis tum maximè obijciendis, cum remittit febris; nec absimili ratione tertianam, quam & bellè dum silet, oppugnat. Quartanam ipsam oblatinatus recurrentem, tantâ vrget curarum assiduitate; vt à conuenientibus præsidij inuictam, ac veluti ferocitate exultantem, balneo, & Peruuiano ac nostrate cortice cogat ad deditio- nem: Neque verò satis habet profligasse febrem: periculo subductos suis etiamnum astringit legibus; quò radicem, & morbi fibras omnes euellat. Ne multa, expectatam officij sui fidem, vanâ seu crifeos spe, seu contagionis formidine interpellari non patitur: scit namque suum esse corpori, à corpore; suum naturæ; à natura; suum alimento, ab alimento; morboque suum, à morbo discrimen: nec vniuerso animantium omnium generi eadem conferre, eadem officere; sed ad rem eandem alia, alio modo se habere.

*Ergo febris hac tempestate grassata, non Contagiosa.*

DOMINI DOCTORES DISPVATVRJ.

M. Ioannes Groux.  
M. Antonius Ruffin.  
M. Petrus Pourret.

M. Antonius de Caën.  
M. Petrus Moriau.  
M. Guillelmus Petit.

M. Franciscus Blondel.  
M. Iacobus Mentel, Scholarum Censor.  
M. Nicolaus Matthieu.

Proponebat Lutetiæ IACOBVS BOVIONIER, Parisinus, A. R. S. H. M. DC. LXII.